



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXXXV. Herzog Otto von Braunschweig und Herzogin Agnes machen den
Gewandschneidern zu Salzwedel Zugeständnisse, am 4. Juli 1323.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

dios ordeï parne mense cum XVI pullis. Preterea idem dominus Bertoldus de sepe dictis bonis sic ordinando statuit, Quod Magister caritatis Canonicorum supra dictorum prefata debet percipere bona et de vno choro in quantum valet ipsorum infirmis cereuisiam procurare, De ceteris autem in quantum poterit ipsis dominis siue Canonicis Cereuisiam ad collacionem idem Magister caritatis debet in perpetuum ministrare. Nos autem sepe dicta bona ad tam pium opus ordinata Volumus ab omnibus exactionibus angariis et perangariis libera esse et absoluta preter communem precariam, quam dilectissime Conthorali nostre, domine Agneti, referuamus — Datum Anno. M^o. CCC^o. XXI^o., in die sancte virginis Katherine.

Danneil's Kirchengesch. v. St. Salzwehel, S. 8. No. 18.

LXXXV. Herzog Otto von Braunschweig und Herzogin Agnes machen den Gewandschneidern zu Salzwehel gewisse Zugeständnisse, am 4. Juli 1323.

Dei gratia nos Otto, dux, et Agnes, ducissa Brunsvicensis, recognoscimus fideliter per presentes, quod cum matura et exacta deliberatione nostrorum fidelium subscriptorum, duximus presentibus firmiter statuendum, mandantes ac precipientes sub uirtute nostri fauoris et gratie, ne aliquis in utraque nostra ciuitate Soltwedell habitans et generaliter nullus in districtu seu Aduocacia Soltwedelgenfi de cetero pannum incidere presumat seu diuisum seu indiuisum uendat, nisi tantummodo in antiqua nostra ciuitate Soltwedele in communi theatro pannicidarum, quique pannicidarum eorundem habeat confraternitatem, que ghilde dicitur, seque debito modo seruet et rexit in eadem. Si uero aliquis ciuium predictae utriusque ciuitatis Soltwedel hoc nostrum statutum ausu temerario infringere aut uiolare presumpserit et testimonio duorum proborum Burgenfium ibidem de hoc conuictus fuerit, talis pro qualibet uice tres marcas argenti Brand., de quibus nobis duas et dicte fraternitati unam, continuo vadiabit. Preterea si quis in predicto districtu seu aduocacia Soltwedelgenfi extra muros Soltwedelgenfes pannum inciderit et per duos idoneos uiros de hoc conuictus fuerit, talis pro qualibet uice nobis solum tres marcas argenti continuo vadiabit, Nolentes per hoc statutum libertatibus, quas in nundinis predicta utraque ciuitas Soltwedel habet et habere consuevit, aliquatenus derogare. In quorum omnium testimonium ualidum nostra sigilla presentibus de nostra certa scientia sunt appensa. Presentes fuerunt Guncelinus, Wernerus et Buffo de Bertensleue, Ludolphus de Hollege, Albertus de Aluensleue, Borchardus de Affeburg et Gheuerhardus de Weuerlinge, milites, Jordanus de Camp, noster aduocatus, cum aliis fide dignis. Datum Wolfenbottle, anno domini M^o CCC^o XXIII^o, die sancti Odalrici.

Nach dem Originale im Salz. Archive XIV, 10.